

## 145. löggjafarþing 2015–2016.

Þingskjal 151 — 151. mál.

### Tillaga til þingsályktunar

um könnun á réttarstöðu með tilliti til gjaldtöku við náttúrvætti.

Flm.: Katrín Jakobsdóttir, Svavarsdóttir.

Alþingi ályktar að fela fjármála- og efnahagsráðherra að láta fara fram könnun á réttarstöðu með tilliti til innheimtu aðgangseyris við náttúrvætti. Niðurstöður liggi fyrir og verði kynntar almenningi ekki síðar en 1. mars 2016.

#### Greinargerð.

Þingsályktunartillaga þessi var áður flutt á 143. löggjafarþingi (416. mál) en kom ekki til umræðu. Þá var hún flutt á 144. löggjafarþingi (250. mál) og fór þá á sömu leið. Hún er nú flutt óbreytt að dagsetningunni undanskilinni. Upphafleg greinargerð fylgir málinu, lítið eitt breytt með tilliti til niðurstaðna dómsmáls um gjaldtöku af ferðamönum við Geysi í Haukadal þar sem lögbannskrafa fjármálaráðherra á gjaldtökuna var staðfest.

Heimsóknnum erlendra ferðamanna til Íslands hefur fjölgat mjög undanfarið og mikilvægi ferðaiðnaðarins fyrir þjóðarhag aukist að sama skapi. Afleiðingar vaxandi ferðamenndsku eru að flestu leyti jákvæðar fyrir samfélagið í menningarlegu og efnahagslegu tilliti. Ferðajónustan skapar landsmönnum tekjur og styður við menningu og skapandi greinar. Flestir þeirra ferðamanna sem leggja leið sína til Íslands gera það til að njóta náttúru landsins og er það vel. Það er þó á þessum vettvangi sem veikasta hlið íslenskra ferðamála kemur í ljós.

Bent hefur verið á það af ýmsum aðilum að fjölsöttustu náttúrvætti landsins geti legið undir skemmdum vegna mikils ágangs ferðafólks og allvíða sé þörf á framkvæmdum og fjárfestingum til að unnt sé að veita ferðafolki aðgang að náttúruperlum án þess að stofna umhverfi og lífríki í hætta.

Undanfarið hefur orðið vart tilrauna landeigenda sem eiga náttúrvætti eða lendur sem liggja að þeim til að taka málin í eigin hendur og krefja ferðamenn um aðgangseyri. Sem stendur er það þó aðeins gert á einum stað, við Kerið í Grímsnesi, en fleiri landeigendur hafa lýst áformum um slíka gjaldtöku. Málið er afar umdeilt meðal almennings.

Veruleg óvissa ríkir um heimild landeigenda til gjaldtöku af ferðamönum sem njóta náttúrunnar eins og ágreiningurinn um lögmæti innheimtu aðgangseyris að Geysi sýnir glöggt. Ef heimt er gjald af fólk fyrir það eitt að svipast um og njóta þess að virða fyrir sér það sem fyrir augu ber er það skattheimta. Samkvæmt stjórnarskránni er óheimilt að leggja skatta á nema með lögum og lagasetningarvald hafa landeigendur ekki. Þá er ágreiningur um eignarhald á sumum ferðamannastöðum og síðast en ekki síst hefur almenningur ríkan rétt til ferðafrelsис um landið samkvæmt náttúruverndarlögum.

Sú þróun sem orðið hefur undanfarið varðandi hugmyndir um gjaldtöku á ferðamannastöðum ber þess vott að mikill vafi leikur á um rétt og skyldur hlutaðeigandi – landeigenda annars vegar og ferðafólks hins vegar – varðandi innheimtu og greiðslu aðgangseyris að náttúrvættum. Mikilvægt er að eyða þessum vafa eins og unnt er þannig að gjaldtaka af ferðamönum geti komist á í viðunandi horfi og að tryggt verði að það fé sem til fellur verði nýtt til verndar náttúrvættum og til þess að gera þau aðgengileg.